

Sarajevo,

Broj:

30-04-2019
02-03-22576

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-21598 od 24.04.2019. godine, Generalna direktorica donosi:

ODLUKU

o izboru najpovoljnijeg ponuđača

za nabavku rezervnih dijelova i usluga za preventivno i interventno servisiranje aparata/sistema proizvođača DRÄGER lociranih na klinikama KCUS-a, putem pregovaračkog postupka sa objavom obavještenja

I

Prihvata se prijedlog Komisije za javnu nabavku, Izvještaj br. 03-06-21598 od 24.04.2019. godine po pregovaračkom postupku sa objavom obavještenja br. 893-3-1-92-3-42/19 od 07.02.2019. godine za nabavku rezervnih dijelova i usluga za preventivno i interventno servisiranje aparata/sistema proizvođača DRÄGER lociranih na klinikama KCUS-a i okvirni sporazum se dodjeljuje ponuđaču **HERCEGOVINALIJEK d.o.o. Mostar** pod uslovima dogovorenim/usaglašenim u toku pregovaračkog postupka i po konačnoj ponudi: 03-06-20697 od 19.04.2019.godine, kako slijedi:

- Cijena norma sata serviseru je 95,00 KM bez PDV-a;
 - Cijena rezervnih dijelova/potrošnih materijala/kitova prema specifikaciji-cjenovniku iz konačne ponude;
 - Usluge defektaže neće biti fakturisane tokom trajanja okvirnog sporazuma;
 - Uslovi plaćanja: odgođeno plaćanje 60 dana, po isporuci ili po obavljenoj usluzi i ispostavljanju fakture;
 - Rok isporuke rezervnih dijelova je 15 dana od dana prijema narudžbenice;
 - Garancija na rezervne dijelove/ kitove 180 dana od dana ugradnje;
 - Vrijeme odziva na intervenciju 24 sata od prijema poziva/zahtjeva;
- Sve cijene su izražene u KM bez PDV-a i podrazumjevaju isporuku fco skladište kupca, po zahtjevu krajnjeg korisnika (KCUS-a) i nepromjenjive su za cijeli ugovoreni period.

Ukupna vrijednost okvirnog sporazuma u trajanju od 12 mjeseci je maksimalno 300.000,00 KM bez PDV-a.

II

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđaču učesniku postupka javne nabavke.

O B R A Z L O Ž E N J E

Na osnovu Odluke o pokretanju postupka javne nabavke br.02-03-6265 od 05.02.2019. godine, sa procijenjenom vrijednošću u iznosu od 300.000,00 KM bez PDV-a Klinički centar Univerziteta u Sarajevu je pokrenuo postupak javne nabavke putem pregovaračkog postupka sa objavom obavještenja u skladu sa članom 20. i članom 27. ZJN BiH (Sl. Glasnik 39/14). Nabavka je planirana Planom javnih nabavki KCUS-a za 2019.godinu, pod klasifikacijom robe red.br.30 (Odluka Upravnog odbora o usvajanju Plana javnih nabavki KCUS-a za 2019.godinu br.02-01-18632 od 09.04.2019. godine.)

Poziv za pregovarački postupak sa objavom obavještenja za I fazu (predkvalifikacije) objavljen na portalu e-nabavke br. 893-3-1-92-3-42/19 od 07.02.2019.godine i preuzeo je 1 (jedan) ponuđač. Do krajnjeg određenog roka za prijem ponuda, 22.02.2019 godine, dostavljena je jedna (1) ponuda i to ponuda ponuđača **HERCEGOVINALIJEK d.o.o. Mostar**.

Komisija imenovana Odlukom broj: 02-03-8953 od 18.02.2019.godine pristupila je provjeri dokumentacije dostavljene uz ponudu za I fazu (predkvalifikacije) i konstatovala da je dostavljena ponuda formalno pravno i tehnički ispravna i da se uzima u dalje razmatranje.

Nadalje, na osnovu Prijedloga Komisije i zapisnika za I fazu (predkvalifikacija) u sistemu e-nabavke unešeni su podaci da ponuđač **Hercegovinalijek d.o.o.** Mostar ispunjava uslove predkvalifikacija i u skladu sa navedenim dana 04.03.2019.godine objavljen je poziv ponuđaču **Hercegovinalijek d.o.o.** Mostar za dostavljanje ponude za II fazu pregovaranja (Inicijalna ponuda) . U skladu sa Pozivom za dostavljanje inicijalne ponude ponuđač **Hercegovinalijek d.o.o.** Mostar je dana 20.03.2019.godine na glavni Protokol KCUS-a dostavio ponudu. Komisija je konstatovala da su dostavljeni svi elementi ponude u skladu sa pozivom i da se može pristupiti pregovaranju. Zapisnik sa pregovora br. 03-06-15179 od 22.03.2019.godine je sastavni dio Izvještaja Komisije.

Na osnovu usaglašenih stavova kroz sistem e-nabavke upućen je poziv za dostavljanje Konačne ponude dana 16.04.2019.godine. Ponuđač je u datom vremenskom roku na glavni Protokol KCUS-a dostavio konačnu ponudu koja je protokolisana pod br. 03-06-20697 od 19.04.2019.godine.

Izvještajem br. 03-06-21598 od 24.04.2019. godine Komisija predlaže da se Okvirni sporazum za nabavku rezervnih dijelova i usluga za preventivno i interventno servisiranje aparata/sistema proizvođača **DRÄGER** lociranih na klinikama KCUS-a okvirni sporazum dodijeli ponuđaču **Hercegovinalijek d.o.o.** Mostar pod uslovima dogovorenim/usaglašenim u toku pregovaračkog postupka i po konačnoj ponudi: 03-06-20697 od 19.04.2019.godine.

Uzimajući u obzir naprijed navedeno, odlučeno je kao u dispozitivu ove Odluke.



GENERALNA DIREKTORICA

Prof. dr. Sebija Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđaču;
- a/a

[Handwritten signature]